



SADRŽAJ:

Predgovor

O Udruženju žena sudija u BiH

Okrugli sto sa stručnim saradnicima - Ilidža

Izgradnja kapaciteta članova i članica Udruženja u oblasti zagovaranja

Potencijali zajedničkog djelovanja: Promocija sudinice Jukić

Naredne aktivnosti

Proširite vijest o ovom biltenu i podjelite ga sa prijateljima/icama, kolegama/icama.

Ako niste član/ica Udruženja a dobili ste ovaj bilten automatski i želite ga i dalje dobijati u budućnosti molimo Vas pošaljite e-mail zahtjev na adresu: adisa.zahiragic@pravosudje.ba

PREDGOVOR

Poštovani čitatelji i čitateljice,

Ponosni smo što Vam možemo predstaviti drugo izdanje biltena Udruženja žena sudija u BiH (UŽS). Izuzetno pozitivne povratne informacije koje smo dobili od članova/ica Udruženja, sudija/sudinica, tužitelja/tužiteljica i relevantnih institucija ukazale su nam na značaj biltena kao nezamjenjivog sredstva razmjene i širenja informacija. Prvi broj biltena, koji je široko distribuiran kako u elektronskoj, tako i u printanoj verziji, doprinio je povećanju interesa za članstvo u Udruženju i povećanju praćenja aktivnosti Udruženja.

Ovo izdanje biltena nudi više informacija o ciljevima Udruženja i uslovima članstva koje je predstavila predsjednica Udruženja, sutkinja Adisa Zahiragić. O mogućnostima i prednostima članstva u Udruženju piše sutkinja Ružica Jukić, dok sutkinja Mirsada Helić ilustrira kako predsjednik/ca Suda može pokrenuti aktivnost izgradnje kapaciteta za stručne saradnike. U završnom članku predstavljene su najznačajnije informacije o radionici koja je održana na Vlašiću.

O UDRUŽENJU ŽENA SUDIJA U BIH

Oko 80 članova i članica Udruženja žena sudija u Bosni i Hercegovini uložile su znatne napore kako bi se podigla svijest i razvila rješenja problematike rodni pitanja u pravosuđu BiH. Članovi/ce Udruženja sudjeluju u raspravama na okruglim stolovima i radionicama, koje olakšavaju razmjenu informacija i unaprjeđuju kompetenciju i vještine koje se odnose na pitanja ravnopravnosti spolova. Članovi/ce Udruženja žena sudija u BiH se automatski upisuju kao članovi/ce Međunarodnog Udruženja žena sudija sa sjedištem u Washingtonu i primaju besplatne radne materijale uz mogućnost umrežavanja putem interneta.

Članstvo u Udruženju žena sudija u Bosni i Hercegovini ne samo da povećava profesionalnu vjerodostojnost, već i unaprjeđuje cjelokupno bosanskohercegovačko pravosuđe. Članstvo je otvoreno i za muškarce i žene koji rade u oblasti pravosuđa i koji imaju iskreni interes za pitanja ravnopravnosti spolova u Bosni i Hercegovini. Mjesečna članarina iznosi 5 KM, dok je godišnja članarina 60 KM.



Okrugli sto sa stručnim saradnicima - Ilidža

U Odjeljenju za rješavanje sporova male vrijednosti na Ilidži, 9. maja upriličen je sastanak predstavnica Atlantske inicijative i Centra za edukaciju sudija i tužilaca Federacije BiH sa stručnim saradnicima sarajevskog Općinskog suda. Tema sastanka bili su položaj žena u pravosuđu i identifikacija tema iz oblasti ravnopravnosti spolova o kojima bi saradnici željeli saznati više tokom narednih obuka. Time su stručni saradnici pokazali zainteresovanost za sticanje novih, dodatnih, saznanja iz oblasti ravnopravnosti spolova, putem seminara i edukativnih radionica.

Prisutnima se prvo obratila sutkinja Mirsada Helić, predsjednica Odjeljenja za rješavanje sporova male vrijednosti, istaknuvši da u Odjeljenju radi 19 stručnih saradnika koji su u svom referatu zaduženi sa više od 2.000 predmeta i koji presude donose samostalno. „Smatramo da je potrebno pružiti mogućnosti ovim mladim i perspektivnim kolegicama i kolegama u pogledu profesionalnog razvoja, komunikacije i razmjene iskustava putem seminara i konferencija te im pružiti podršku u svim slučajevima diskriminacije“, istakla je sudija Helić.

Maida Ćehajić, predstavnik Atlantske inicijative, govorila je o ravnopravnosti spolova u pravosudnim institucijama. Stručni saradnici su tokom diskusije istakli značaj otvaranja mogućnosti da prisustvuju seminarima za sudije i samostalni odabir edukatora iz specifičnih pravnih oblasti. (Mirsada Helić)

Prijave za sve žene sudije primaju se automatski, dok će prijave za muškarce, pravnike i druge kandidate, pregledati odbor od sedam članova/ica. Ako ste zainteresirani za članstvo u Udruženju žena sudija u BiH, molimo vas da kontaktirate predsjednicu Udruženja sudinicu Adisu Zahiragić, putem e-maila: adisa.zahiragic@pravosudje.ba, naznačite svoj interes, a aplikacija će Vam biti poslana putem pošte ili e-maila. Udruženje se i dalje razvija i proširuje svoja znanja iz oblasti ravnopravnosti spolova i pravosuđa kroz partnerstvo sa Atlantskom inicijativom (AI) i Ženevskim centrom za demokratsku kontrolu oružanih snaga. (DCAF). (Adisa Zahiragić)

POTENCIJAL ZAJEDNIČKOG DJELOVANJA: PROMOCIJA SUDINICE JUKIĆ

“Prvi put sam čula o Udruženju žena sudija u BiH na seminaru koji je održan u Tuzli 2009. godine. Predavanje sutkinje Adise Zahiragić tom prilikom me je izuzetno dojmilo. Ubrzo nakon toga, sutkinja Zahiragić je uputila svim sudovima dopis, kojim nas je pozivala da se uključimo u Udruženje žena sudija u BiH.



Dopala mi se ideja Udruženja žena sudija jer daje mogućnost nama, ženama sucima da radimo zajedno na rješavanju problema sa kojima se susrećemo u našem radu, te sam se uključila bez oklijevanja.

Aktivnosti u Udruženju su odmah započele, a naši susreti su bili prili-

ka za druženja, razmjenu iskustava, te osmišljavanje djelovanja vezano za sve ono što je doticalo nas sutkinje. U 2010. godini izabrana sam i za članicu Koordinacionog odbora Udruženja. Kroz rad i projekte Udruženja članovi i članice su se zbližile i postajali smo sve odlučniji u svojoj borbi za bolji status žena sudaca.

Shvativši važnost jačanja položaja žena u bh.pravosuđu 2010. godine sam se kandidirala za člana Visokog sudačkog i tužiteljskog vijeća ispred hrvatskog naroda. Članice Udruženja žena sudija u BiH su me podržale te su u svojim sudovima promovisale moju kandidaturu među kolegama koje me ne poznaju.

Podrška Udruženja je bila veoma važna i nakon pobjede na izborima postala sam članica VSTV, a odmah nakon toga sam promovirana u dopredsjednicu VSTV. Na ovaj način članice Udruženja su dokazale kakve rezultate udruženo djelovanje donosi i ja im se i ovom prilikom iskreno zahvaljujem i obećavam da ću se i dalje boriti za naš bolji položaj i status.

Smatram da smo u poziciji da još više postignemo naročito putem projekata jačanja Udruženja koji sprovode Atlantska inicijativa i Ženevski centar za demokratsku kontrolu oružanih snaga.

Radionica na Vlašiću: "Izgradnja kapaciteta Udruženja žena sudija u BiH u oblasti zagovaranja"

Kao nastavak aktivnosti jačanja kapaciteta članova i članica Udruženja žena sudija u Bosni i Hercegovini od 22. do 24. juna 2012. godine na Vlašiću je organizovana radionica „Izgradnja kapaciteta Udruženja žena sudija Bosne i Hercegovine u oblasti zagovaranja“. Radionica, čija je tematika određena potrebama članova/ica, imala je za cilj unaprjeđenje kapaciteta Udruženja u oblastima zagovaranja, definiranja aktera, formiranja koalicija, te prezentiranja zahtjeva i projekata, kako u okvirima pravosuđa, tako i šire. Nastavak radionice pružio je platformu za razmjenu iskustava i daljnje jačanje saradnje između članova i članica Udruženja. Predavanja i prezentacije koncipirane su na interaktivan način, te je svaka sesija uključivala diskusiju, vježbu i prezentacije, koje su uključivale identifikaciju aktera, zagovaranje, pripremu, dostavljanje poruke i planiranje mjera za praćenje. Za neke od učesnika/ca ovo je bilo prvo učešće u aktivnostima Udruženja. Veoma je značajno istaći da je gotovo jedna trećina učesnika/ca iz Republike Srpske.

Detaljnije gledano, konkretni ciljevi radionice odnosili su se na pružanje specifičnih znanja i vještina članovima Udruženja, kako bi se doprinijelo jačanju kapaciteta koji u svojoj konačnici vode ka samoodrživosti Udruženja. Navedeno je posebno značajno s obzirom na to da Udruženje tokom naredne godine planira u praksi primijeniti stečeno znanje, kroz razvoj, projekata, lobiranje i medijsku promociju. Evaluacijski upitnici koje su popunili učesnici/e radionice pokazali su izuzetno pozitivne povratne informacije. Svi sudionici su se složili/e da je Radionica unaprijedila njihovo znanje o zagovaranju, da je relevantna za njihov budući rad i da je od velikog značaja za razmjenu iskustava i uspostavljanje saradnje s drugim sudionicima i kao i za jačanje Udruženja. Ova radionica je dio zajedničkog projekta DCAF-a i Atlantske inicijative u cilju dugoročnog jačanja Udruženja žena sudija u BiH. Nastavak izgradnje kapaciteta planiran je početkom jeseni.



Obuka o zagovaranju nedavno održana u sklopu ovog projekta će nam koristiti u našim naporima da sistematski utičemo na promjene u pravosuđu. Pozivam sve kolege i kolegice da se uključe u rad Udruženja jer će samo tako moći ostvariti ciljeve, koji su nedokučivi pojedincima te doprinijeti borbi za ravnopravnost spolova u sudstvu i stvaranje sistema koji adekvatno i bez predrasuda odgovara na potrebe muškaraca i žena.” (Ružica Jukić)

NAREDNE AKTIVNOSTI

Tokom narednih mjeseci, planirana je provedba sljedećih aktivnosti. Udruženje žena sudija u Bosni i Hercegovini će unaprijed dobiti detaljne informacije o planiranim događajima.

- Radionica: “Razvoj i planiranje projekata i rad sa donatorima “ - Oktobar 2012. godine
- Radni sastanak o strateškom planiranju rada Udruženja - Sarajevo, oktobar 2012. godine



Očekujemo Vas na nekom od ovih događaja i pozivamo Vas da čitate i sljedeći broj našeg biltena!